

Na osnovu člana 600. Zakona o obligacionim odnosima („Službeni list R BiH“ br. 2/92,13/93 i 13/94 i „Službene novine Federacije BiH“ broj 29/03) i Saglasnosti Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo broj 05-30-26103-1/21 od 05.07.2021. godine, u Sarajevu dana 13.07.2021. godine
z a k l j u č u j e s e:

UGOVOR O DJELU

I z m e đ u

1. **KANTONALNE JAVNE USTANOVE ZA ZAŠTIĆENA PRIRODNA PODRUČJA**, sa sjedištem u ulici Branilaca Sarajeva br 28, 71 000 Sarajevo, ID broj 4201424050008, PDV broj 201424050008, a koju zastupa v.d. direktor mr. sci. Osman Delić, (u daljem tekstu: **Naručioc** posla)

i

2. **MARTINOVIĆ IGORA**, sa prebivalištem u ulici Bolnička broj 30, Općina Centar, JMBG 1910965170014 (u daljem tekstu: **Izvršioc** posla).

I – PREDMET UGOVORA

Član 1.

Ovim ugovorom ugovorene strane su se sporazumjele da će **Izvršioc** posla kao expert sa iz oblasti IT servisa sa iskustvom u radu sudjelovati u završnoj fazi realizacije projekta "Zaštita i promocija biodiverziteta i geobiodiverziteta kroz jačanje informaciono-tehničkih (IT) servisa u zaštićenim prirodnim područjima Kantona Sarajevo", a koja se ogleda u tome:

- izvršiti izradu projektnog zadatka za provođenje tenderske procedure nabavke usluga izrade/redizajna web stranice sa QR kodom;
- učestvovati u tenderskim procedurama javnih nabavki u svojstvu člana Komisije u skladu sa članom 6. stav (2) Pravilnika o uspostavljanju i radu Komisije za nabavke („Sl. glasnik BiH“, broj 103/14) a u svrhu realizacije Projektnih aktivnosti;
- nadzirati provedbu projektnih aktivnosti u smislu realizacije samih usluga.

II - OBAVEZE UGOVORNIH STRANA

Član 2.

U izvršenju poslova za koje se zaključuje ugovor, **Izvršioc** posla se obavezuje da će:

- poslove izvršavati lično;
- djelovati isključivo u interesu **Naručioca** posla;
- obavljati poslove u skladu sa standardima **Naručioca** posla;
- obavljati poslove stručno i savjesno;
- pred trećim licima dosljedno čuvati poslovne tajne **Naručioca**, koje će doznati u svom poslu, za vrijeme trajanja ovog ugovora i još 3 (tri) godine nakon prestanka saradnje.
- prema imovini i sredstvima za rad **Naručioca** odnositi sa pažnjom dobrog domaćina;
- po isteku ovog ugovora, **Naručiocu** vratiti svu dokumentaciju koju je eventualno preuzeo za izvršenje ugovorenih poslova.

- dostaviti izvještaje o obavljenim poslovima po završenim fazama u skladu sa članom 1. ovog ugovora odgovornoj osobi Naručioaca prije isplate naknade za angažman.

Član 3.

Naručilac se obavezuje da će Izvršiocu posla omogućiti, dati i obezbijediti sve potrebne informacije za obavljanje posla za koji se Izvršioc posla angažuje.

III- NAKNADA

Član 4.

Naknada će se platiti u dijelovima i to na način da će Izvršiocu posla se platiti prvi dio u iznosu od 50% (400,00 KM) nakon dostavljanja prvog izvještaja a preostali dio u iznosu od 50% (400,00 KM) nakon okončanja svih aktivnosti po Projektu i dostavljanja završnog izvještaja.

Naručilac se obavezuje da će izvršiti uplatu svih dodatnih poreza i doprinosa koji proizilaze iz ovog ugovora, a u skladu sa važećim zakonom.

Naknada iz stava 1. ovog člana će se uplatiti na transakcijski računa Izvršioaca usluga broj: **40041168000 otvoren kod UniCredit Bank d.d.**

IV- PERIOD IZVRŠENJA POSLA

Član 5.

Izvršioc posla se obavezuje da će poslove iz prethodnog člana obavljati do okončanja projektnih aktivnosti a najduže do godinu dana.

V- OSTALE ODREDBE

Član 6.

Sve informacije i podatke koje će jedna ugovorna strana učiniti dostupnima drugoj ugovornoj strani u svrhu izvršavanja odredbi Ugovora, smatraju se tajnim podacima.

Tajni podaci ne mogu se koristiti, osim u svrhe određene Ugovorom, bez izričitog pristanka druge ugovorne strane.

Niti jedna ugovorna strana neće biti odgovorna za otkrivanje ili korištenje podataka koji u skladu sa ovim ugovorom predstavljaju tajne podatke, a koji:

- a) već jesu ili postanu poznati javnosti ili
- b) se moraju otkriti na osnovu posebnog zakona a na zahtjev nadležnog organa.

Član 7.

Ugovorne strane neće biti odgovorne za neizvršavanje bilo koje obaveze iz ovog ugovora ako je neizvršenje rezultat više sile, tj. događaja izvan kontrole ugovornih strana i neovisnog od njihove volje, a koji nije posljedica namjere ili nepažnje ugovornih strana, te izravno utječe na izvršenje obaveza ugovornih strana iz ovog Ugovora.

Član 8.

Ovaj ugovor stupa na snagu danom njegovog potpisivanja a primjenjuje se od dana obostranog potpisivanja ugovornih strana.

Član 9.

Svaka ugovorna strana ima pravo raskinuti ovaj ugovor zbog povrede ugovornih obaveza druge ugovorne strane ako takva povreda ne bude ispravljena niti u roku od 5 (pet) dana nakon dostavljanja pisane obavijesti kojom se takva povreda navodi.

Član 10.

Pitanja koja nisu uređena ovim ugovorom rješavat će se primjenom pravila Zakona o obligacionim odnosima o ugovoru o djelu.

Član 11.

Svaka izmjena ili dopuna ovog Ugovora mora biti učinjena u pisanom obliku i potpisana od obje ugovorne strane.

Član 12.

U slučaju eventualnih sporova proizašlih iz i/ili u vezi s ovim Ugovorom, ugovorne strane ugovaraju nadležnost suda u Sarajevu.

Član 13.

Ovaj Ugovor sastavljen je u 4 (četiri) istovjetna primjerka od kojih Naručilac zadržava 2 (dva), a Izvršioc posla 1 (jedan) primjerak, dok se jedan primjerak dostavlja Ministarstvu komunalne privrede, infrastrukture, prostornog uređenja, rađenja i zaštite okoliša Kantona Sarajevo.

Izvršioc posla:

Martinović Igor



Za Naručioca posla:
v.d. D i r e k t o r

mr. sci. Osman Delić



Broj: 03-124 /21
Sarajevo, 13. 07. 2021. godine